



Erindisbréf fyrir umhverfis- og samgöngunefnd Flóahrepps

Stjórnskipuleg staða:

Nefndin heyrir undir sveitarstjórn og starfar í hennar umboði. Nefndin skal vera sveitarstjórn til ráðuneytis í umhverfis- samgöngumálum og vera til ráðgjafar um úrbætur og nýframkvæmdir í umferðar- og samgöngumálum. Nefndinni er einnig ætlað að hafa frumkvæði að tillögugerð á sviði umhverfis- og samgöngumála til sveitarstjórnar. Nefndin fer með hlutverk náttúruverndarnefndar skv. lögum um náttúruvernd nr. 60/2013.

Skipun nefndar:

Í umhverfis- og samgöngunefnd eiga sæti fimm fulltrúar sem sveitarstjórn kýs til fjögurra ára að afloknum sveitarstjórnarkosningum samkvæmt ákvæðum sveitarstjórnarlaga. Á sama hátt eru kjörnir fimm fulltrúar til vara. Sveitarstjórn kýs formann nefndarinnar en á fyrsta fundi sínum kýs nefndin varaformann og ritara.

Sveitarstjóri getur setið fundi nefndar sé þess óskað eða þegar þurfa þykir með málfrelsi og tillögu rétt.

Hlutverk umhverfis- og samgöngunefndar:

Nefndin hefur faglega umsjón með málefnum er varða umhverfis- og samgöngumál í sveitarfélaginu þ.m.t náttúruvernd. Nefndin skal starfa innan laga, reglugerða og samþykktar hverju sinni. Nefndin skal starfa í anda stefnu, framtíðarsýnar, hlutverka og gilda Flóahrepps með hliðsjón af Heimsmarkmiðum Sameinuðu þjóðanna.

Helstu hlutverk nefndarinnar eru:

- Að gera tillögur til sveitarstjórnar um markmið í umhverfis- og samgöngumálum.
- Að vera umsagnaraðili um þau mál er lúta að umhverfis- og samgöngumálum.
- Að vera sveitarstjórn til ráðgjafar um náttúruverndarmál þar sem stuðlað er náttúruvernd innan sveitarfélagsins m.a. með fræðslu og umfjöllun um náttúruverndarmál.
- Að fylgjast með ástandi og koma með tillögur að úrbótum í umhverfis- og samgöngumálum í Flóahreppi.
- Að hafa frumkvæði að aðgerðum til að efla endurvinnslu og endurnýtingu með sorpflokkun í samstarfi við sveitarstjórn.
- Að stuðla að fegrun sveitarfélagsins.
- Að standa fyrir veitingu umhverfisverðlauna í Flóahreppi samkvæmt verklagsreglum um val á umhverfisverðlaunum í Flóahreppi dags. 16. apríl 2009. Horft verði til snyrtilegrar umgengni, fallegra mannvirkja og/eða aðra athyglisverðar aðgerðir á sviði umhverfisverndar.
- Að koma með tillögur að framkvæmd og úrbótum á sorphirðingu.
- Að koma með tillögur að framkvæmd og úrbótum á afsetningu dýrahreja í sveitarfélaginu.
- Að vinna með sveitarstjórn í að því að framfylgja gildandi lögum um meðhöndlun úrgangs.
- Að stuðla að virkni hringrásar hagkerfisins.
- Að vinna í samstarfi við ýmis félagasamtök í sveitarfélaginu sem koma að umhverfismálum og náttúruvernd.
- Að vinna í samstarfi við hagsmunaaðila um uppbyggingu á útivistarsvæðum og opnum svæðum sveitarfélagsins.
- Að vinna að stefnu Flóahrepps varðandi kolefnisjöfnun í sveitarfélaginu.
- Að hafa aðkomu að gerð loftslagsstefnu fyrir sveitarfélagið.



- Að vera sveitarfélaginu til ráðuneytis varðandi orkuskipta í samgöngum.
- Að fylgjast með og gera tillögur að úrbótum vegna samgöngumála og umferðarmerkinga í sveitarfélaginu (gangandi vegfarendur, hjólréiðamenn, hestamenn, og vélknúin umferð).
- Að vera ráðgefandi og koma með tillögur að bættri vetrarþjónustu á vegum sveitarfélagsins.
- Að vera þrýstiafl á Vegagerðina ásamt sveitarstjórn varðandi umbætur og uppbyggingu á vegum í sveitarfélaginu.
- Að taka við erindum frá íbúum og öðrum hagsmunaaðilum og veita umsagnir um þau erindi.

Starfshættir:

Umhverfis- og samgöngunefnd kemur saman fyrir luktum dyrum á fastákveðnum fundartíma. Nefndin skal funda að jafnaði annan hvern mánuð. Skal nefndin gera samþykkt um fundartíma á fyrsta fundi sínu. Fundur skal þó falla niður sé umfjöllunarefni ekkert.

Nefndin skal halda gerðabók fyrir fundargerðir. Í gerðabók skal skrá hvar og hvenær fundur er haldinn, hverjir sitja hann og hvenær honum lýkur. Skrá skal einstök mál sem tekin eru fyrir á fundinum. Í lok fundar skal ritari lesa fundargerðina upp og allir viðstaddir undirrita hana. Trúnaðarmál skal færa í sérstaka gerðarbók, trúnaðarmálabók. Heimilt er að færa fundargerð nefndarinnar beint á tölvu skv. gildandi reglum sem sveitarstjórn setur.

Formaður sér um að boða fundi, fundarboðun skal vera skrifleg og skal tilgreina fundarstað, tíma og dagskrá. Fundarboð skal sent fulltrúum og öðrum sem seturétt hafa á fundum eigi síðar en tveimur sólarhringum fyrir fund. Fundirnir eru boðaðir með rafrænum hætti.

Formaður stýrir fundum nefndarinnar.

Fundur telst ályktunarhæfur ef meirihluti kjörinna nefndarmanna er mættur á fundi. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla á jöfnu.

Formaður skal snúa sér til sveitarstjóra/sveitarstjórnar með eftirfylgni staðfesta samþykktu nefndarinnar.

Réttindi og skyldur fulltrúa

Um réttindi og skyldur fulltrúa gilda ákvæði sveitarstjórnarlaga og samþykktir um stjórn og fundarsköp Flóahrepps.

Fulltrúa er skylt að sækja fundi nema lögmæt forföll hamli. Hann skal láta formann vita um forföll með góðum fyrirvara.

Hver fulltrúi á rétt á að koma málum á dagskrá fundar, enda skili hann efni þess til formanns a.m.k. þremur sólarhringum fyrir fund.

Fundarmenn skulu hafa hag sveitarfélagsins að leiðarljósi við störf sín í nefndinni og eru atkvæðisbærir fundarmenn ekki bundnir af öðru en sannfæringu sinni, lögum og samþykktum um stjórn og fundarsköp Flóahrepps í atkvæðagreiðslu um málefni nefndarinnar.

Fundarmenn eru bundnir þagnarskyldu vegna mála sem þeir fá vitneskju um í starfi sínu fyrir umhverfis- og samgöngunefnd og ætla má að leynt eigi að fara samkvæmt eðli máls eða lögum. Þagnarskylda helst þó látið sé af störfum.



Um sérstakt hæfi nefndarmanna og áheyrnarfulltrúa gilda ákvæði sveitarstjórnarlaga. Fulltrúi skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn.

Lög og reglugerðir:

Fulltrúar í umhverfis- og samgöngunefnd skulu kynna sér þau lög og þær reglugerðir sem gilda um þá málaflokka sem heyra undir nefndina og samþykktir og reglur sem sveitarstjórn hefur sett. Það á einnig við um samninga og/eða samstarf við önnur sveitarfélög. Nefndin skal gæta ákvæða stjórnarsýslulaga við meðferð mála.

Önnur ákvæði samkvæmt lögum:

Umhverfisnefnd er falið að taka fullnaðarákvörðun um matsskyldu framkvæmdar þegar sveitarfélagið sjálft er framkvæmdaraðili, sbr. 3. mgr. 4. gr. laga um mat á umhverfisáhrifum nr. 106/2000 með síðari breytingum. Óski aðili frekari rökstuðnings við afgreiðslu umhverfis- og samgöngunefndar eða kemur á framfæri kvörtun skal honum leiðbeint um réttarstöðu sína, meðal annars um heimild til að óska eftir endurupptöku máls í nefndinni með hliðsjón af 24. gr. stjórnarsýslulaga. Telji umhverfis- og samgöngunefnd að skilyrði um endurupptöku séu fyrir hendi skal nefndin taka málið upp að nýju. Þá skal aðila leiðbeint um rétt sinn til að skjóta afgreiðslu nefndarinnar til úrskurðarnefndar umhverfis- og auðlindamála innan tiltekins frests, sbr. 14. gr. laga um mat á umhverfisáhrifum.

Samþykkt af sveitarstjórn Flóahrepps 02.05.2023
Hulda Kristjánsdóttir, sveitarstjóri